

खद्दर गे बाइबल एद'अना

पहिला एस्तेर



तरती तूडतारकी र'ई: Edward Hughes

तरती कमतारक'आ र'ई: Janie Forest
Alastair Paterson

तरती हो'अतारकी र'ई: Lyn Doerksen

तरती उल्था नन्तारकी र'ई: इसान निंगहय नामे तूडआ

तरती कमतारकी र'ई: Bible for Children
www.M1914.org

©2021 Bible for Children, Inc.

लाइसेंस: इदिन मल बीसना गूटी, निंगहय गुसन ई कहानीन
काँपी महले प्रिंट नेन्ना हीं हक र'ई।

1

आलीद कौड-कौड मन्ना
परता मंड्य्याँ इज्जिकी
रहचा, अदिहीं हेंदवरक'आ
खन्न ओन्टा भयभयर'अन
घटना तरा ए:रा लगिया।
अदिहीं तंगदस खे:आ
लगियस। असन अयो
मरियम रहचा, अउर
आद आ अड्डा हेददे
इज्जिकी रहचा, एकसन
यीशुस क्रूस मंड्य्याँ
अरगाचक'आ
रहचस।




2

ईद हरमी एकासे मंजा?
 यीशुस एन्ने दावकना जिनगीन
 एन्ने इल्चक'आ लैखा एकासे
 मुंजा ओंगदस? धर्मस तंगहय
 खद्दासिन असन
 खे:आ गे क्रस
 मंड्य्याँ कंटी
 ठोक'आ गे
 एकासे हुकुम चि'आ
 ओंगदस? एन्द्रा यीशुस
 गलती नंजस का आस ने
 रहचस? एन्द्रा धर्मस एन्देर
 नना हुँ पुल्लु रहचस?




3

मला! धर्मस मल हरचक'आ
 र'अदस। यीशुस एन्देर
 गलती हुँ मल नंजक'आ
 रहचस। यीशुस अगहे ती
 अख'आ लगियस का
 मलदाव आलार आसिन
 पिट्टोर चि'ओर। एकाबारी
 यीशुस सन्नी रहचस,
 आबारी हुँ शिमोन नामे हीं
 ओरोत पंजगी आलास
 मरियम ती बाचक'आ
 रहचस का दु:ख अगे र'ई।



4

यीशुसिन पिट्टना ती जोक्क
 उल्ला अगे, ओरोत मुक्का
 बरचा अउर आस हीं खेड्ड
 नु महमहरना ईसुंगन तुन्दिया
 चिच्चा। "आद ढिबान उड़ाब'आ
 लगी," चेलार शिकाइत नंजर। यीशुस
 बाचस, "आद दाव नलख नंजकी र'ई। आद ईदिन
 एंगहय मंडर्ना गे नंजा।" एंवदा हयकट कत्था हेके।



5

ईदि हीं खोखा, यीशुस हीं
 बारह चेलार ती ओरोत,
 यहदास, मुध नैगर हीं
 30 ठ चाँदी हीं ढिबा गे
 यीशुसिन धोखा चि'आ गे
 मंचस केरस।



6

यहूदी पास्का परब हीं ओन्ना-मोखना
 नु, यीशुस तंगहय चेलार गने तंगहय
 मुजन्ता ओङ्डस-मोखस। आस आरिन
 धर्मस अउर आस हीं गच्छरक'आ हीं
 बारे नु, ने आस ती चोन्हा नंदस,
 हयकट कत्थान तिगियस। तेकर यीशुस
 आर गे अस्मा अउर डुबहन खट्टा गे
 चिच्चस। ईद आरिन सुरता नन्त'आ गे
 रहचा का यीशुस हीं कया अउर
 खेंस पाप हीं छमा
 ओन्द्र'आ गे
 चीतारकी रहचा।



7

खने यीशुस तंगहय संगेर ती बाचस आस गने धोखाधड़ी
 नन्ना मनो, अउर आर बोंगोर कालोर। "पतरस कोइहेम
 बाचस "एन मल बोंगोन।" यीशुस बाचस, कोकरोँ चींखना
 ती अगे, नीन तीन खेप एंगन बलदन ब'ओय।




8

खोखा आ माखाम, यीशुस गतसमनी बडगी नु बिन्ती नना गे केरस। एका चेलार आस गने रहचर खंदर केरर। “यीशुस बिन्ती नंजस” अना एंगहय बाबा, “... ई डूबहन एंगहय गुस्तेक गेच्छा नना चि’आ। अन्नु हँ एंगहय इच्छा मला, लिकिन इन्नु निंगहय इच्छा पुरा मनो।”



9

अचाक्का ओन्टा गोहड़ा यहदास हीं चोखक’आ ती बडगी नु कोरचा। यीशुस मना मल नंजस, लिकिन पतरस ओरोत आलास हीं खेब्दन खंडियस चिच्चस। यीशुस चुपचाप आ आलास हीं खेब्दन कप्पियस अउर आसिन कोड़े नंजस। यीशुस अख’आ लगियस का आस हीं धरना धर्मस हीं इच्छा हेके।



10


गोहड़ा यीशुसिन मुध नैगस हीं एडपा ले होच्चा। असन यहूदी मुद्धार बाचर का यीशुस गे खे:अना मनो। हेददेम, पतरस नोक्रहर हीं चिच्च गुसन इज्ज’अर की ए:रा लगियस। तीन खेप आलार पतरस तरा ईरयर अउर बाचर, “नीन यीशुस गने रहचकय!” पतरस तीन खेप बलदन बाचस, एकन्ने का यीशस बाचक’आ रहचस का आस ननोस। एन्ने हँ का पतरस तंगन सर्प’अचस अउर किरया मोखस।



11


काँकरै काँ

आ बारीम ओन्टा कोकरोद चींखया। ईद पतरस गे धर्मस हीं सड़ा लेखा रहचा। यीशुस हीं बाचक’अन सुरता ननर की पतरस भोकरर-भोकरर चींखयस।




12

यहूदास गे हँ दु:ख रहचा। आस अख’आ लगियस का यीशुस एन्देर पाप महले गुनहा हीं दोषी मल रहचस। यहूदास चाँदी हीं 30 ठु ढिबान किरत’आ बिददयस, लिकिन नैगर अदिन मल होच्चर।




13

यहूदास ढिबान किरया हिबडियस, बहरी केरस अउर तंगन फांसी नंजस चिच्चस।




14

नैगर यीशुसिन रोम राजी चलाब'ऊ
पिलातुस हीं मुन्दहारे ओन्द्र,
पिलातुस बाचस, "एन ई आलास
मंड्य्या एन्देर हूँ गलती मल
खक्क'आ र'अदना।" लिकिन
गोहड़ा चिच्चयारते रहचा,
"आसिन क्रुस नु अरग'आ!
आसिन क्रुस नु अरग'आ!"




15

अन्तले पीलातुस हार मंचस केरस अउर
यीशुसिन क्रुस मंड्य्या खे:एना हीं सस्ती
चिच्चस। सेनर यीशुसिन घूसा लवचर,
आस हीं बई नु तूप्पियर अउर आसिन
कोर्रा ती लवचर। आर दिगहा सुईतू
आच्च हीं निर्दय मुकुट कमचर अउर
आस हीं कुक्क मंड्य्या चिपचार चिच्चर।
तेकर आर आसिन खे:आ गे कंक हीं
क्रुस मंड्य्या कंटी ती ठोकचर चिच्चर।



16

यीशुस अगहेतिम अख'आ लगियस का आस आ लेखाम
खे:ओस। आस ईदिन हूँ अख'आ लगियस का आस हीं
खे:एना पापी आलार गे छमा ओन्द्र'ओ ने आस मंड्य्या
भरोसा नन्नर। यीशुस हीं दुयो
पक्खे दुई इन्न गुनाहगररिन
क्रुस नु टंगचका रहचर।
ओरोतस यीशुस मंड्य्या
पताचस अउर मेर्खा चाइल
केरस। नन्नस मल पताचस।




17

जोक्क घंटा सतारक'आ हीं खोखा,
यीशुस बाचस, "पुरा मंजा," अउर
केच्चस केरस। आस हीं नलख
पुरा मंजकी रहचा। संगियर
आसिन ओन्टा तमहय
कबूर नु मंडियर
चिच्चर।



18

खने रोमी सेनर कबूरन
ढपचर चिच्चर अउर
अदिन खपा हेलरर।
अक्क ने हूँ भितरे महले
बहरीं कालां पोल्ला
लगियर।




19

अगर ईद कहानी हीं अंत
मंजक'आ, होले ईद एवदा दु:ख
मनो दने। लिकिन धर्मस
जोक्क हयकट नंजस। यीशुस
केच्चक'अम मल रहचस!



20

हप्ता हीं पहिला उल्ला ता
पड़री-पड़री, यीशुस हीं जोक्क
चेलार कबूर ती पखनन
गुढकरक'आ खक्खियर।
एकाबारी आर भितरे
ईरयर, यीशुस असन
मल रहचस।




21

ओरोत मुक्का कबूर गुसन चींखते रहचा।
यीशुस अदि गे एःथ्रस! आद नन्ना
चेलारिन तेंगा गे रीझिरनुम बोंगते
किर्रया। “यीशुस उज्जने र'अदस!
यीशुस केचकर ती किर्रक'आ
बरचक'आ र'अदस!”



22

चांड़ेम यीशुस चेलार गुसन बरचस, अउर अबड़ारिन
तंगहय कंटी ठोकोचक'आ खेक्खन एःदाचस। ईद
मानिम रहचा। यीशुस अउर ओन खेप उज्जनेम
रहचस! आस पतरससिन आस हीं बलदन ब'अना
गे छमा नंजस चिच्चस, अउर तंगहय चेलारिन इबड़ा
बारे नु होरमारिन तेंगा गे बाचस, अउर आस मेर्खा
नु किर्रयस केरस। एस्तेक आस बरचक'आ रहचस।



23

पहिला एस्तेर

धर्मस हीं बचन ती ओन्टा खीरी, बाइबल,

इय्या खक्खरी'ई

मतीस 26-28, लुकास 22-24,
यूहन्नास 13-21

“निंगहय बचन हीं बखड़े बिल्ली चि'ई।”

अस्सना पड़ना 119:130

24

मुंजरा

इबड़ा बाइबल खीरी नमन नमहय हयकट धर्मस हीं बारे नु तिंगी, ने नमन
कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस
पाप ब'अदस। पाप हीं सस्ती खे'अना हेके, लिकिन धर्मस निंगन अज्जम
चोन्हा नंदस औंगे आस तंगहय ओन्टा एकला तंगदस यीशुसिन तइय्यस
का क्रुस नु खे'ओस अउर निंगहय पाप गे सस्ती खक्खोस। तेकर यीशुस
उज्जा चोचस अउर तंगहय एड़पा मेर्खा राजी केरस! अगर नीन यीशुसिन
पत'ओय अउर निंगहय पाप गे छमा ने'ओय, होले आस छमा ननोस
चि'ओस। आस अक्कुन बर'ओस अउर निंगहय जिया नु र'ओस, अउर नीन
आस गने जिनगी जुग उज्जोय।

अगर नीन इदिन मानिम पत'अदय होले इदिन धर्मस ती ब'आ:
अना यीशु, एन पत'अदन का नीन धर्म हेकदय, अउर एंगहय पाप गे आल
बंचकय की केचकय, अउर अक्कुन उज्जने र'अदय। सोग्गे एरर की
एंगहय जिनगी नु बरा अउर एंगहय पापन छमा नना, एकातुक अक्कुन
एंगहय पुना जिनगी मनो, अउर उन्दुल निंगहय गने जिनगी जुग र'ओन।
एंगन निंगहय खदद लेखा निंगहय कत्थान पेःसर'आ गे अउर तिंगा उज्जा
गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

26

54



60

25